



内閣文庫	
番號	漢 10377
冊數	5 (1)
函號	316 136

316-136

重刻定山先生詩文集序
合定山先生之詩文凡十
卷戶曹陳子常道之所編
輯周子滿之所校正縣尹
劉子縉之所刻置于定山
書院者君子觀古詩二卷
曰宛宛乎漢魏之遺響矣

淺草文庫

乎觀近體五七言詩三卷
曰迥迥乎唐宋之別調矣
乎其爲文序記表銘說傳
題跋詞文書贊奏之類凡
五卷曰駸駸乎追先秦兩
漢瞠乎韓柳歐蘇之後而
從之矣乎何其富且美矣

哉或曰定山之詩文究根
乎理道非太極則鳶魚非
鳶魚則乾坤絕去乎風雲
月露之態靡麗駢驪之想
其文而載道者耶周子劉
子告於甘泉子曰子於白
沙先生詩教詩指則旣有

述矣於定山先生之詩文
其獨能無言乎二公蓋同
道者也故定山題白沙詩
有曰才力凡今我與翁百
年端許自知公橫渠老筆
須終勁周子通書自不向
蓋以周子謂白沙而以

渠自謂也斯言也非徒定
山先生自知之公而天下
後世亦以為公論也甘泉
子曰知言之道在合觀交
証之而已故知周斯知張
矣知張斯知周矣於乎濂
溪之言雲行水流橫渠之

言深思力索二公皆大儒其所見皆同乎否耶其所造者皆同乎否耶白沙先生之詩有曰千鍊不如莊定山蓋尊莊公也又曰不及陳無已能無賞自然蓋自道也故世之君子欲知

定山先生之詩者觀諸白沙先生之詩可也欲知白沙先生之詩者觀諸定山先生之詩可也金輝玉映並妙偕佳由其言以觀其蘊誦其詩讀其書以知其人尚論其世同乎不同在

覽者自得之

嘉靖十四年歲在乙未仲

秋八月九日

賜進士出身資政大夫南京

禮部尚書前國子祭酒翰

林侍讀兼脩

國史

經筵講官增城湛若水撰



定山先生集序

予弱冠讀書龍泉山中友人自江浦回持定山所書詩數章其時已知定山之工於詞翰後數年定山舉進士爲翰林抗疏論時事被謫翕然有聲於時予於

是又知定山蓋直節敢言
之士心益趨向之自後又
十餘年予始獲第入翰林
則定山蓋已家居者數載
當是時定山之望益重書
益工詩辭益高古交章論
薦者後先相屬惟恐定山
之不起予益悵然而望愈
然而長思邈若雲中之鶴
幽蘭之芳於深谷其不可
得而接也弘治甲寅
朝廷強起以爲南京吏部驗
封郎中尋以疾致仕卒於
家故予於定山雖甚愛慕

定山亦徃徃勤詩札之通
而竟莫得與之上下其論
於一日間得其所爲詩文
而讀之窺定山之用心想
見其氣象因得其所養然
後嘆世之知定山者之淺
而又益以爲憾也今年定
山之姻友侍御弓君元取
所遺詩文彙集之而求予
序嗟乎吾誠不能起定山
而與之遊序其又可辭乎
定山之文得其氣於莊騷
而矩度於宋儒其論事明
而暢其說理簡而達其詩

格韻風調大抵類后山藺齋而冲虛豪曠多其所自得故其音節紀律雖不拘拘於唐人之步武而出於近代詩人則既遠矣定山始與白沙陳公甫爲友齊名於時人莫得而低昂之

其後定山復起而公甫老於白沙世遂以是爲優劣定山之將致仕公甫嘗寄以詩謂欲歸不歸何遲遲不是孤臣托疾時此是定山最高處江門漁父却能知公甫與定山友其出處

心事宜必知之故予備載
其說於此後之人因定山
之文以求定山平日之所
養因公甫之詩以求定山
出處之微意則其淺深高
下必有能辨之者矣詩文
凡若干卷侍御巡按山西

載之行篋庶憲李君善
副馮君清僉憲來君天球
見而請之將刻諸梓而遂
以予言弁諸其首云
正德改元丙寅歲孟冬之
吉

賜進士及第通議大夫禮部

左侍郎兼

經筵日講官前詹事府少詹
事兼翰林院學士餘姚王
華序

讀定山先生集

奉勅提督南畿學政山西道監察御史餘姚聞人論著

聞人子曰定山先生真所謂
當時之豪傑也已道宗孔孟
而志不迂學紹程朱而業不
陂其所演繹洙泗之微言也
其所詠歌濂洛之遺響也詮

幼嘗從游舅氏海日翁因得
見先生之作輒固之以為竒
私之以為喜每恨所見之不
多也已而宦入維揚地隣江
浦恒冀一造其廬以訪遺蹟
職事填委竟未能及此心切
切如惄懷舖殆亦有年比今

督學行部訪其存稿而盡讀
之乃知其造詣淵泓植本深
固故言出道存雖居常諷詠
亦不徒溪禽野卉之娛上極
廊廟之宏謨下盡民俗之庸
行隨事精察無不可師恨不
得同遊獅子峯親與上下其

論議以破宵臆之迷藏也邑
令劉氏縉既嘗有請於予而
專祀以祠甘泉湛公為紀其
詳矣今復梓公之集以廣其
傳呈覽而復讀之忽見海日
翁之叙于首簡欣然有所感
於昔者懷冀之念而筆其槩

時

嘉靖十有四年秋八月廿有
六日

定山先生集目錄

卷第一

五言古詩九首

柳塘春意

江湖勝覽卷

題竹

送白沙先生門人容彥昭陳

橘潭和杜韻

沃洲山為新昌石乘殷賦

養菴為永興馬貞夫元題

梅花卷

雪梅

秉常回南海韻

九忠臣余
廷心韻

定山集卷之二
七言古詩三十二首

題蒙泉葡萄卷

和石翁贈鄭通政雲山吟

與竹泉道士

雪蓬

定山歌用杜韻

定山

木石圖為許志完作

蒼松為許志完作

和司馬提學倡和詩韻

和惔庵先生定山石

題通伯先生山水畫

泉山為新安吳以魁作

松石歌為周禮作

祈晴有感為滁陽曾太守作

馬遠畫刪去胡妹子題惔庵以余為俗

題玉川畫

瓊林燕歸圖

夏太常畫貓

鍾欽禮畫牛

題劉侍御

溪雲水碓短歌行

題畫鳳有叙

題海陽謝氏族譜

誠齋卷

卷第二

五言絕句八十一首

江遊

和杜韻三首

細雨四首

題畫二首

題蘭二首

活水亭雜詩三首

題孫痴春草

題沈石田畫鵝為文元作二首

寄婁一齋四首

江湖勝覽

題畫四首

靜觀亭為南川先生題三首

題夢白蓮池詩

施孝子

改施公正執菴為程菴二首

翎毛

題畫

題蕭尹翎毛四首

送博羅何孝子四首

友泉

王溪為謝汝申作

梅花

騎驢浮海圖和韻

海棠雙喜

松風

題畫

題小畫四首

謝氏八景八首

題菊

題畫二首

挽查姓民三首

浣霧卷為當塗李都憲作三首

七言絕句 二百三十一首

九鷺圖

食江

石翁見寄次韻 二首 新歲寄雷德興 二首

題縣主山水畫 二首 題松筠詩卷

讀謝疊山與劉忠齋書

寄新昌王樂用侍御 二首

題江湖逸興卷

平齋為南昌劉司訓作

寄詹大尹 讀楊時秀詩集

姚御史畫竹石為周景明作

枯木竹石 釣魚圖 二首

謝陳漢崇少叅曆日

石衢 二首 題吳山春景畫

淵明 二首

贈容一之別和白沙先生

君忍為白沙門人倪聖祥作

送林秋官謫滇南和韻

題淵明歸庄圖 二首 送直夫陳侍御 二首

寄淮安鄭同府 贈溧陽曹醫

奉親堂為古溪賦

三江漁樵卷

題畫竹林七賢

題林良畫史滄江亭

題菜

承恩庵先生題定山溪雲亭和韻

奉答同馬提學五首憶秉常

陵陽山人

贈黃池袁義官

梅花二首

送董孟吉二首

讀文山別集三首

題靜學卷四首

挽吳呂山二首

送小兒會鄉試

華亭金藻休寧汪循上海張深諸文柱韻

定山且索一言於其別

詩以道意

司訓廖先生家觀菊八首

雪鴈

雪兔

半山亭二首

思親樓

友山

題江村卷

送王判簿歸蜀時

在邑三首

上西華山先隴八首

寄沈慎之二首

釣魚圖

輓香巖和尚為僧寂菴

贈星命者和東白先生

梅花九首

題

愚堂卷三首

落梅

梅花

竹梅

鷄

花

紅梅

萱

二首

代弟孔高答大中時遊禾泉

題徐端本畫

題畫朱水隆吳大宜求

寄司馬先生四首

題書

二首

完節堂

釣基圖

紅梅

題畫

辛亥大寒梁塘道中有作二首

樂道齋詩定山居士為彭世英書世英三

過定山所得止此昔東坡鬻馬方叔不

免更鬻然於此紙世英豈待一過宿哉

世英之戚必有此紙者尚亦知世英之

不易得也

題沈天趣梅花禽鳥卷

葉鶴雙清卷

松風梅月為孤鶴翁作

素菴為蕭貴贊作

劉振之挽卷徐子仁題曰惜才

題畫和韻

僧一菴

蘭石

和張子如尋樹詩

梅花二首

題竹為五叔父作

畫馬二首

寄吳撫州三首

和盛文元二首

寄祭酒林先生二首

今年雨中盛文元又至

弘治三年秋七月喜雨有作四首

畫菜為楊黃門作二首

客有妄解余笑恐回頭錯應人之句者用

說於其別也詩以送之二首

古愚卷為白沙乃克作

可亭

梅花仙子和韻

月宮仙子和韻

遊平湖南寺

寄壽州廖同府

答定山僧

梅花四首

折桂圖

蘭

九老圖

挽傅昆乃翁

桂軒

跋李賓之詩卷

病中

和答許巡按枉顧定山韻六首

與柳嘉興 三首

贈奚舉人

宜樂堂為文鑑士事作

送張地官且壽乃翁

題周敬叔菊花孤鶴出韻 四首

送太學生冠帶還蜀 二首

敗荷鵲鴿為文二作

訪人不遇 三首

李黃門瓊林燕歸圖 二首

過六峯湖買田黃山 二首

吹風室

張秋夜泊憶季升都憲時出巡兗州

張秋 三首

揚青驛

題菜

題竹

碧溪卷為張潤之作

菊花

過張秋行臺憶東山 二首

送程郎中弟致仕 二首

題畫 八首

題扇

見賢堂見賢思齊之意也

授南京吏部郎中 二首

題畫

黎雲 四首

萬柳庄

題邵國賢畫二首

寄羅洗馬二首

答白沙

題小仙畫付小兒乙全

題畫二首

卷第三

五言律詩 一百九首

雨中陪沈仲律僉憲宿長蘆用韻

秋行

憶舍弟

汎江和壽卿

次孤鶴老人觀物亭坐雨二首

送李德孚林緝熙還南海二首

和容彥昭

芝軒為江陰王景悅題

聖像寺

與孤鶴翁汎江

雨中招延信

答延信

送任生之

寄奉吉水周先生首四

重慶堂為何侍御作

寄掌教吾先生

藏書室入景為大司馬王公作

洗硯池

蒼松軒

牡丹園

門外柳

隴頭雲

繡衣記

太史銘

得關老人三首

遺愛為揚州劉同知作

謝景瞻送蒲石

挽劉負外母

字和安宋同知

承孫侍御枉顧失迂詩以謝之二首

鳶飛魚躍亭與壽卿小酌三首

題畫和沈豫軒

雨宿大潮寺

浴香泉

懼菴

東原道中和大中

香泉道中和大中

香泉和大中

虹橋道中和大中

謝尚同以胙城尹謫重慶衛幕二首

贈豐城李士遠用韻

謝醫士為謝汝申作

寄靈璧縣博陸先生 二首

無錫遊秦方伯池亭和韻

客至

送白沙門人容彥昭陳秉常田南海次韻

梅牕

送畢都憲致仕

送嚴中書用韻

雪中和懷玉 五首

梅花用韻

白馬席間和白沙先生

龍洞和白沙

浴香泉和白沙

和白沙秋夜述懷

字明承沈慎之任以莊送至句曲詩以道別

挽李仁貴大理母

喜聞謝元吉子諮領鄉薦

同年蔣侍御枉顧和韻

中秋無月和廷信

十六夜晴月朗復用韻

徐光岳至 二首

活木亭贈光岳

月溪雨後同東川光岳二徐賢叔姪坐爲

飛魚躍草亭

同東川諸友溪上晚釣 二首

溪上和光岳

西峰和光岳

活水亭和東川

宿伯顯家

將往平湖寄白沙

送吳明府獻臣

壽邊處士

王審理封贈卷二首

德州

與國賢和西涯

榮慶堂

和白沙韻

挽人

挽人

宿寒山寺用韻寄文太僕

和周憲長時可留別 三首

和廣西吳憲副 三首

卷第四

七言律詩二百六十二首

與南海陳秉常容彥昭宿新江書院

清江別業

壽徐母

陪南川浴香林泉

寄萬廷器

遊靈巖山

汎江和徐壽鄉

遊琅琊寺 二首

觀龍泉寺泉

觀莊嚴寺大樹

承馬侍御過訪 二首

承揚侍御枉顧

送劉同府之柳州文介公裔也

送吾掌教子還開化

瘡起偶作

采石

靈巖山逢大虛僧

香山九老圖

祭慶堂為大理作

送張廷玉司訓河南

泰山和通伯侍御

二首

挽周景明父舊曾請余銘墓

雲潭為周文都作

拾地耳

重陽雜興

二首

卧林亭雜詩

二首

送吉水張蕪岳宿守蕪素第一峰先生賦也

上元道中有作明道先生曾為上元主簿

遊茆山

秦用中過江贄以詩奉答

出港

中村書屋為貴溪葉以貞賦

清溪

送張博秀才還永豐博求一峰墓銘

承宿州守張蕪素不遠數百里過訪坐我

草亭數日於其別也詩以送之

送張蕪素至東葛 遊香泉陪蕪素

重過莊嚴寺觀大樹

送司寇張先生 二首

和懷玉先生定山枉顧

輓任員外父母 施公節枉顧

寄題六江橋 和呂太僕見寄

送馮進士之京

送郁先生以國子助教陞長史

寄宜春張大尹 泉上和司馬

遊定山和韻 和再遊定山解嘲

送昌期侍御出守撫州 二首

送江淮陳經歷謫官廣西宜山

跋文司訓贈行卷

資正書院和趙太守韻

讀白沙先生詩集 四首

壽夏地官用韻 接樹

答巴山王叔毅

贈孤鶴翁僕者咸永安

孤鶴翁過江阻風還釣霽月溪次韻

送白馬僧如景往沂洲

送晏弟鄉試

送張揮使并其子宗還遼陽

送施公節

齊壽堂

送馮養正進士出宰江陵

廣信婁懌領應天府鄉薦

送陳孔章會試

愛石洞老師南山花也北山花之句有千

萬古瀟灑之趣亦效少叅數語二首

五十三初度太虛以詩見壽且有見促從

仕之意二首

與謝汝申登定山 與謝汝申遊石洞

與謝汝申飲北山周紀山堂石洞老師在焉

寄休寧徐詹事時先生家居

送婁武庫贊理白亞卿治水黃河

送俞潤夫子錫

和孫地官喜雨

和盛文元答儲吏部

和愛暉真外定山觀紫薇花之作

愛暉題孫守禦扇偶及賤名用韻奉答

孫地官以詩賜會兒且有第三句之說及

韋齋扛鼎子之句遂和以自解

盛文元留活水亭數日將去暑中涼雨為
我更留一宿作此

寄晏運使

送任地官參議福建

冬至和石翁四首

滕地官枉顧定山

謝醫姚昌裔求

和韻

送張伯顯貳教長清

承黃地官枉顧公予里人先世徙居南海

寄沈提學先生二首

雨中承通政張先生過訪賜詩用韻奉答

八留宿天峯草閣數日告別奉贈以詩

寄黃州劉太守同年

和蘇黃門先生梅花朱

雨宿羅漢寺和盡鄉負外二首

天峯閣堆石山成

定山甘雨彌口懸想松厓諸田亦皆沾足

秋成院中飯矣明日桑柘影中斜陽社

酒松厓與我傾倒令叔酒中名仙亦不

得高坐無分也書以志喜錄上一笑

聞縣中祈雨連日未有得而密雲北來定

山已如注矣明日縣侯謝雨袒無籍之

入天地久不收管縣官不當顧時蒙此
佳貺蓋出望外遂用前韻聊以志喜

寄任生之叅議用送行韻四首

施公節在顧定山詩以贈之

寄東昌謝通府

種唐棣子樹於大峰閣前周景和加隱葉

馬詩以贈之

送施工部出守岳州

贈丁侍御印馬還京和呂少卿

壽馬氏母為其婿金戶侯作松崖求

廣信二周生在顧定山贈之詩

用韻寄黃提學先生

寄沈方伯

用韻寄黃提學

歐陽侍御乃尊挽

答嘉上人二首

定山和老痴韻

江上偶作

白雲為吾掌教作

答李西涯

送南海范規

送廬陵陳先生

張戶部彥質過訪有作和之

和李白鳳凰臺

陳九疇過訪

別徐光岳宿靜海寺

寄蜀中徐山甫

卷之五 二百四十五首

七言律詩

送親友弓大方會試用大司寇張老先生

韻

無逸子 二首

生挽史孟哲

和老痴

與懷玉三宿官舍和韻

懷玉送至龍江舟中而別用韻

吊易羽士姜守 二首 皇都盛覽

林泉詩卷

唐莊別業

挽容彥昭

寄白沙

東圃為胥江范能用乃翁作

答周天慶用韻

蜀山草堂為沈月作東坡舊堂址也元為

獨山東坡去犬為蜀今從之

丁大尹枉顧定山夜話

休寧汪進士枉顧定山有詩和之

送張司寇老先生 修縣誌新江書院作

壽素庵母

一葦為蘭雪翁作

滄江吏隱

挽侶處士

與太虛覺天二禪僧

霜崖洞天追和羅一峰

白沙先生至定山和韻

病眼 二首

寄吳憲之侍御 二首

駉馬朝天為戴元吉侍御作

壽陳天益乃翁

送劉叅政之陝西

和蔣侍御中秋賞月

挽人

梅溪草亭為新昌胡處士賦東川舅也

登定山和光嶽 二首

閑叟為梅溪胡處士賦和光嶽

茲節堂為方節婦作 答番易丘太守

南海梁宗烈在顧定山有詩和之 二首

答志學員外

送介卿主事

送冒地官出守武昌

浴香泉和韻 二首

敷山書院

寄姜惟貞太守

答主敬少叅

雪中和允崇 五首

雪中和趙地官 二首

答允崇

東坡雪詩善用險韻王介甫趙昌谷諸老和

之皆以為不可及余因其言遂戲和之 四首

和石洞僧

送廷貴通政侍親

與李敬熙七首

強通致仕

題馬秋官謫判廬州卷

廬墓卷為惟則軒賦

雙挽卷為李都憲題

一樂堂為何都憲作

吳宗道醫已入神品張旭草書宜僚弄丸

非誑也百尺竿頭更進一步又在宗道

詩以謝之

六合別俞邦誠

高郵王母挽詩

過淮

房村將至呂梁用韻

過徐

和叔毅

柘源寄家書

兗州逢白顯

曲阜道中

謁孔廟

許季升都憲父母挽

挽許舉人季升子也

濟寧舟中二首

東昌舟中二首

舟中二首

陳憲副乃兄哀挽

直沽二首

客中九日

蔡村

宿白家川

送昌廷和主事

送黃文敷之青州司訓

壽奚侍郎

送揚明府

上西涯先塚和程學士

登元故城和程學士

靜庵為文輔乃翁作

送夏黃門叅議湖南

壽祁侍御母

送景武主事奉使湖南

寄時暘都憲二首

寄東昌謝通府

送楊地官之邊

壽涂太守

壽孔母

永思堂

和韻

送別

榮壽

挽良貴郎中乃翁

挽林黃門父王府官

送張黃門出使便道拜母

送程大尹之官鄆縣

郁長史在義烏時門人也

喬節婦宗大希大祖母也

二首

與王先生其識其人於西涯處

與儲靜夫

挽人

拱北樓為劉憲副作

王湖州父母挽

紫誥褒封為王湖州作

靜觀亭和南川

齋宿和韻

和西涯韻

挽沈秋官乃翁

石翁見寄次韻二首

寄沈仲律先生五首

沈公見寄次韻奉答五首

衡州鄧貳守示寄石翁詩次韻奉答三首

隨州守士脩見寄諸作次韻二首

送勅姪奉母之官所

奉沈都憲和韻寄馬侍御思進

黃公山釣臺浸水答陳貳教先生二首

贈蕭恒實送許夏卿還上虞二

卷第六

序 一十七篇

滁州志序

近思錄序

送潘應昌提學山東序

壽六合鄭闇菴六十序

送戴侍御提學陝西序

贈鄉進士陳孔章序

壽蔣母序

贈禪老清上人授僧錄左覺義序

友山詩序

送陳直夫先生序

羅鶴子應字序

湖上青山詩序

壽開化汪處士七十序

貞菴詩序

為余生謝程醫序

壽謝母序

別駕獻臣奉母夫人就養成都序

卷第七

序 二十四篇

壽大司馬王公介菴七十序

壽張處士序

送掌教歸養序

迎養詩序

安遠陳大尹挽詩序

陳重器挽詩序

六合縣志序

壽陳掌教序

壽艾叔明母八十序

嘉興府志序

長興縣志序

壽李母九十序

壽尚公七十序

遇惡傳序

壽施翁八十序

壽李君懷玉海屋添籌圖序

月軒序

韋氏族譜序

贈司訓洪先生秩滿序

恩榮為馬主事廼翁序

贈妣廷偉序

贈張君良弼僉憲福建序

壽鮑翁六十序

送許生還上虞序

卷第八

記一十五篇

宿州儒學會講亭記

吉水張氏義田記

六合縣科第題名碑記

一樂堂記

婺源三賢祠堂記

壽州脩學記

汝嘉堂記

鳳陽府脩學記

工部主事真公育才儀真德政碑記

大梁書院記
竹雪軒記

卷第九

記九篇

籌河臺記

徽州府修學記

漏月軒記

儀真東關閣記

儀真井記

潛菴記

貞齋記

恩江清隱記

義塚記

墓表
三道

宜春張處士墓表
唐貳守墓表

封工部主事施公景榮墓表

墓銘
五道

封戶部主事石公墓碣銘

明故吳母倪氏墓誌銘

高一龍母墓銘

番陽俞潤夫墓誌銘

高景賢墓誌銘

明故朱君本德墓碣銘

寧波太守馬公墓誌銘

卷第十

雜著

說一篇

字黎氏二子說

傳一篇

魏節婦傳

篇

題忠愍

蹟

題陶雲

吳次翁像後

書朴菴挽詩卷後

鄭氏家藏古畫圖卷引

題王應韶立馬稿書南征錄後

題吳以魁族譜書李筠傳後

題使節清風卷為劉侍御作

書當塗碑陰答黃司訓

跋四篇

跋羅一峯先生書宋文丞相答劉教授啓

醉月跋
跋夕惕齋詩稿

小學圖跋

詞二篇

王氏母哀詞 并序

贈賈君惟善之新昌典史 有序

祭文 四道

祭松江青龍先世祖文

祭封戶部主事石公文

祭吳侍御文 祭陳漣文 小兒作

定山先生集卷之一

南京戶部主事雲南陳常道編輯

南京戶部主事四川周浦校正

應天府江浦縣知縣桂林劉縉

儒學署教諭陳應奎訓導龍壽山同刊

五言古詩

柳塘春意

萬物吾一身著眼無不是大程方少年曾點亦
狂士真樂本忘言一笑乃深契還知萬柳中春
塘雨方霽

梅花卷

老矣孤山中那復他料理惟茲太極心點綴寒
梅幾暗香疎影訂戲劇乃如此安得無極翁共
此無極旨

江湖勝覽卷

滄溟水一漚天地一芥子我問具眼人此眼何
處使從今打撲成此眼吾眼耳

雪梅

太極圖偶封天地若混沌不知滕六誰乃打無
極溷安得邵堯夫閑與一究竟

題竹

獨行湘江潯見此叢篁幽風雨日暝晦萬雀聲
啁啾垂垂正結實恐為鵝鷓謀豈無九苞羽飛
下十二樓延佇久不見此意良悠悠我因王者
瑞極意垂鴻猷採之欲往食道路阻且脩問之
在何所乃古西康州西康有西伯已矣三千秋
至尊應昌運致此能無由清時一再覩咄哉何
所求

送白沙先生門人容彥昭陳秉常回南海
次韻

定山集卷一
君子久不見一書凡幾月開門見高徒儀形宛
相接可久亦可大自抱賢人業束書不可羈含
情送歸楫

橘潭和杜韻

櫻寧何處所天地此溪堂世物如周瘵醫門有
棟梁寒泉真自冽老橘故須香水晚留蒼翠花
深到森茫淨回真本色定有碧圓光實好垂垂
大根靈故故長綠非懸宿雨黃豈弄秋霜沆瀣
僊棗裏方書聖道傍野夫長老病白首幾低昂
多前扶持力殘生豈敢忘

沃洲山爲新昌石乘殷賦

元忠臣余
廷心韻

我聞沃洲山渺絕如仙洲仙洲不可到夢想空
自適清風爲我御白雲爲我軒欲憑萬古心窮
此天地幽何時沃洲仙與我相綢繆振衣鰲峯
岡濯足津溪流把畫庖羲圖開卷大禹疇六經
不得志萬古重刪脩悠悠天壤間邈矣吾何求

養菴爲永興馬貞夫元題

北嶽霜雪幹玉漢強千尋南溟珊瑚枝玄宮極
幽深應誰見毫末積效踰山岑撫卷得玩願隱
几亦觀心辭琢豈金玉受厲須黃金無寐月自

生無覺日自沉回首人間世坐驚復行吟枵然
舍予琴誰哉賞此音

七言古詩

題蒙泉葡萄卷

古今萬妙真無窮飛走動植皆化工葡萄楊柳
幾千卉堯夫老眼觀物中蒙泉學士燕山傑平
生邵學王天悅白頭一覩甘州英老癢欲搔搔
未得濡毫大叫掃不停墨花一放三千城須臾
萬紙各飛動纍纍總是皇極精相馬無將九方
處不向驪黃論形似要知花柳過前川閒弄程

家真意思

和石翁贈鄭通政雲山吟

雲蒼蒼水悠悠青山萬古人白頭華山老子一
渴睡天地枕席今未收塵纓自濯已堪喜敝屣
既脫何足留河圖鳳鳥至不至仲尼已沒無人
愁嗟乎仲尼已沒無人愁乾坤誰解生民憂義
文堯禹正今日千年治道還西周

與竹泉道士

燕城道士馮竹泉定山風雨來相過向人兩眼
如兩墨頭上笠子五尺大開門握手延入坐須

家詩卷携一箇自言仙道亦頗佳老死人間已
除破古今詞翰豈易得吾子高名吾所慕盧老
神丹我解傳老杜長篇子須作嗚呼道士吾與
汝黑髮紅顏何用那痛惟老父雙膝奉日夜高
床五年卧倉公俞附竟何人仰首蒼天淚交墮
刀圭相乞倘不辭嘔出吾心吾亦可道士道士
何須再拜苦索我

雪蓬爲盛行之作

雪蓬老人瘦且清前身想只梅花精墨梅一寫
幾千萬鷄林交趾知其名南京小兒不曉事相
逢盡喚梅先生一蓬有屋鳳城裏土脊茅簷
椽子蝸牛半角祇藏頭我爲量之剛丈許不題
偃月書錦堂扁作雪蓬聊爾耳北風大雪五尺
深無限傍人愁壓死老人高坐方掀髯大叫狂
歌對兒女大兒捧筆婦捧觴一醉梅花三百紙
籬邊竹樹徃徃佳萬個弓稍千鼠尾忽然幾處
鼎石根便是懸崖活梅樹此時天趣不可當誰
人肯許同清狂花光補之已非敵當時空有王
元章定山先生無一好雪蓬老人當笑倒只有
區區觀物亭半庭茂叔窻前草

定山歌用杜韻

定山不與靈山白萬古江淮一峯碧青天作蓋
擁層巔北斗當空掛巖石我今借此一榻雲欲
與希夷華山敵豪來得句不肯眠醉筆一揮千
丈碧

定山泉歌和杜韻

此泉門外不可斷日日來過如相依小扶藜杖
看清濁老人雨後鋤園歸遊人一見詎敢唾白
鷺偶來何恐飛耳聾眼暗與世惡此泉磊落人
間稀

木石圖為許志完作

定山破袖無尺大東歸袖取蓬萊峯峯頭老
幾千樹槎牙萬古撐長空箕山老人不曉事問
余欲向青天住醉中見許不作難袖中滾滾傾
天地老人覩此造化權返却而走心茫然忽然
江海一平地千仞萬仞飛蒼煙錦樹蒼峯不須
買草閣秋崖明月在白頭得此當有知還我東
坡袖中海

蒼松為許志完作

箕山老人松樹圍開卷凌亂千人呼畢宏已老

更誰手南京老盛天下無此松畫本得何處元
是公家掛瓢樹虬髯偃蹇老鐵璫雷雨蒼龍未
騰去嗚呼此樹百鍊鋼數千萬變冰與霜忠臣
義士我所拜山中萬古文天祥

和司馬提學倡和詩韻

來教和王尚文司諫見懷之作奉和一章

兼呈司諫

江山契合膠漆凝君子小人炭與冰兩公投分
忽京國一洗世間樵李色同心契合直斷金老
眼乾坤誰並得一公海月照木難一公天馬

塵鞍青天英爽總高興白日坐收千古暎與人
同善真我思古今四海皆相知

來教謂尚文再和只有梅花知之句甚動

野夫尋梅之興復和一章臬亦奉和請教

凍雲四割天地凝一口嚼碎萬里冰借大欲賞
梅花國天許先生無吝色白頭中坐太極圈醉
點萬花歸未得天心子半知者難一枝笑撚隨
歸鞍乾坤萬古有真興夢中說夢空痴瞑定山
老我徒爾思此樂惟許先生知

來教謂尋梅之約已訂然不知此中梅易

得否李貞伯和章雖有相尋不難之句然亦約莫之言耳故更和一章問尚文士人云杲為貞伯解圍遂亦不揣和奉一章然亦不知更為約莫之言否也

江山雪冷凍欲凝梅花萬壑藏深冰數枝何處更江國淡影無香亦無色看花須看花未開公欲尋梅尋便得徒然約莫尋本難白頭爛醉空吟鞍李君平生亦清興未始歸途日空暝公才自出人所思那得李君真不知

來教謂從者云此地故少梅追念舊樂悵然興懷復和一章杲亦奉和一章以答從者

人間一理萬物凝夏蟲底用多疑冰我曾爛賞萬花國每謂乾坤總形色梅花肯欲為公尋江北江南皆可得指燈為火諒不難不然枉跨城東鞍萬紫千紅總佳興影響前頭路空暝高齋獨坐幾深思此意我知公亦知

來教謂尚文尋梅詩比類精絕思致深遠但微近相襲不可為訓更和一章為老梅寫懷請教亦不知老梅之懷果如此否也

草牕萬物生意凝梅花豈但霜與冰平生不解
作傾國古淡只隨真本色春風自許先羣芳豈
是羣芳同未得古今何許真賞難風花蕩滿青
驄鞍萬紫千紅總佳興老眼梅花肯孤瞑乾坤
此意君且思物各付物誰人知

來教謂陳師召太常父稽和章以此見促
杲亦以太常非久稽者以全取勝故耳故
揣太常之意亦奉和一章

詩壇四野凍雲凝重兵十萬屯堅冰梅花相遇
幾敵國戰酣落日天無色相持不勝不肯休不
是老梅禁不得太常先生豈和難手持巨槊橫
吟鞍養威自待有餘興一鼓坐收天地暝詩家
老將須更思仁者無敵何人知

來教謂尋梅告勞且將移梅一章杲以移
梅尋梅難易何如亦以一章奉和

折膠萬里爭嚴凝瘦筇拄斷江南冰尋梅約到
羅浮國瘦馬疲童總難色先生乃謂尋頗勞豈
若移梅兩相得移梅恐比尋更難天幾吹到春
風鞍風光聊遣適吾興肯被梅花惱春暝有無
難易何足思乾坤禮樂先生知

承不鄙見賜諸作命和登卷敢逐一依韻
請教不勝愧感更和一章

深山破屋苔已凝敲門忽枉清玉冰照之何來
自京國清詩潤澈珊瑚色梅花句句上太極圖合
是濂溪乃吟得老夫奉和不敢難詩有出聳驢
背鞍短才無學更無與信口風花醉初暝無他
意義公莫思野老山歌吾自知

和愚庵先生定山石

乾坤何物非鴻造竒妙極爲千古好愚庵天挺
見物蒙老脚溪山無不造定山此石絕竒古地
秘天藏得深奧萬形吐露總天幾呈怪爭雄
軒闢迴身箇縮龍屈蟠仰首獐猱虎蹲嘯鴻濛
自判各付與高者巉空下深潦流形彼此固已
安誰復懼忻與悲悼世人劍首吹吹然渾沌那
知有真竅愚庵覽此萬丈竒撫掌陰陽叶真妙
笑拈水火土一揮天地精靈愈輝耀雨風雷露
交相形日月星辰炫高照庵羲畫裏春熙熙皇
極眼中天浩浩縱觀萬古我何人也一掀髯與
公笑

題通伯先生山水畫

定山集卷一
九
乾坤萬里吾一體此意人間幾山水平生畫者
知未知一幅煙雲春萬里蒼然蔚然神莫涯動
者植者妙何擬平溪欲靜蒼天留白雲忽散青
山起世人看畫只是畫眼底誰能會斯理憇庵
天挺觀物豪天地斯人能有幾鳶飛魚躍忽滿
前正契吾心妙斯旨三十六宮徧掛之一日一
宮春煦煦明月天心舞邵雍春草庭前夢周子
先生不鄙痴老翁持向定山拈一語老翁高坐
溪雲亭春在千巖正紅紫笑將此畫聊捲之更
與先生看真此

泉山為新安吳以魁作

結吾廬兮山麓濯吾足兮泉
央邈斯人兮何
隨吾道兮行藏知

聖人兮在上慕洗耳兮虞唐泉有魚兮活活山
有水兮蒼蒼慨箕穎兮不見聊自適兮徜徉如
有我兮夢卜胡斯世兮敢忘

松石歌為周禮作

老翁夢携東海來袖中猶帶鴻濛胎天蓬亭下
一點綴歛然散作三蓬萊中峯聳拔極天巧旁
有三峯更奇峭蘇家父子俱下風勾曲三茆猶

老草層巒起伏意不窮更從竒處著兩松雲烟
幾筆天幾峯天然李白金芙蓉老翁此手無他
妙惟將松石供談笑王維馬遠絕古今老筆雖
工猶未到老翁老翁須天生前身只是松石精
呵呵一醉白雲裏笑將松石呼翁名老翁謂我
假松石但呼周禮名自實嗚呼老翁言最直乾
坤夢幻人豈識狂夫此語休過劈老翁作山假
與真我且向翁深一揖

祈晴有感為滁陽曾太守作

龍眠馬老夫敢望張橫渠環滁太守温如玉古
人黃憲今張黻祈晴大手西臺文千古為公剛
一讀空山破屋縣青燈天地至誠當果靈程氏
遺書蠹魚裏呼兒夜半尋金滕

馬遠畫刪去胡妹子題憇庵以余為俗

平生看畫真模糊一字不識之與無家藏古筆
雖馬遠兩行細字其誰乎憇庵先生畫中傑一
見心神便飛越憑陵大叫尋品題俗眼謂余那
認得九臯看馬將無同豈在牝牡玄黃中看畫
且須論畫外婦人軟語徒匆匆牝鷄晨鳴家國

醜老夫此眼真俗否

題王川畫

江西老丁天造深一樹一石皆有法忽然得此
奇人圖天下良工吾久瞎皴如馬遠翻老蒼勢
比董元還峭拔蒂乎維乎空有名誰能寫此水
兩峽中間兀坐忽兩翁白髮溪風若飄颻一人
古貌而古裳一人不巾而不襪欣然欲問此老
誰老丁已死誰能答我聞古亦有至人非聖非
愚亦非達茫乎蒙乎無所取一兮混兮而不雜
婁卷羶行已笑虞非仁非義似嗤發世間萬事
只土塊何物斗筭堪用代伊人石戶豈其徒不
然亦是王與齧子州支父當佳哉壺丘子林那
易得世人固不知此流許由巢父徒高節吮癰
舐痔術已工侈然抹馬丹其轍痴奴老僕誇豪
雄達士先生殊不屑此波已倒雖莫收鈍牛未
死猶堪策老丁老丁爾何人世止小兒真豕虱

瓊林燕歸圖

求清有僕雙赤足手持一畫剛五幅自云此是
瓊林圖一幅主公真面目瓊林宴罷醉歸來十
里香塵馬蹄速一日看盡長安花柳汁宮袍春

正綠望中隱隱宮闕深萬片綵雲人一笏人間
萬事豈足榮進士出身良可錄進士出身良可
錄臺閣阿衡俱此卜從容一代真明良萬古朝
堂正都拂人臣爲報當何如盛治豈容前史獨
願言一拜各勉旃稷契臯夔幸毋惑

夏太常畫貓

花竹蒙茸太湖畔細細東風春欲轉老狸明月
睡正酣玉漏無聲夜將半乾坤萬物理不誣買
魚底用深相呼人間坐鎮自雅俗翻盆倒甕何
時無君不見一菜誰甘論藜藿猛虎在山非自
惡

鍾欽禮畫牛

東風渺渺平原綠幾鼻浮江春帶犢短策耕罷
一犁歸數畝山陂雨初足薄田我亦耕定山六
角未能終日閒一笑還尋飲牛處夕陽踈柳前
溪灣君不見江山萬古驅牛樣用則耕田閒則
放

題劉侍御

東之太古英老眼庖羲畫文字六經前心了不
須讀山川流峙鳶魚中看畫得此將無同李成

馬夏何足數此心直欲窺鴻蒙乾坤此卷忽披
看數點青山正濃淡眼中何處俗與真一笑天
機俱爛熳世人見畫空茫然安知畫外無真傳
先生萬古有真趣白頭還我羲皇天古文篆籀
藏科斗我羨東之不容口尚書宅裏聞劇談天
地斯人世何有人間一默歸玄元老夫更欲觀
無言手持此卷已一月病回閣筆城東軒

溪雲水碓短歌行

山中水碓活水中老夫起坐觀無窮源頭活水
不用借活水自春無日夜

題畫鳳有序

余往來濟寧見姚江蔡公懋成其老練其
達甚可人意至磚河又復見其兄懋隣真可
謂翩翩兩鳳凰也懋成以呂邦振此畫索題
余以為聖人出則鳳凰麒麟皆在郊藪遂書
以為

朝廷賀焉

鳳凰非聖世不生非竹實不食非梧桐不鳴比
之為太華為滄溟應之為文明得之為干戈息
為天下太平古今四海誰與盟姚江兩蔡當代

英乾坤到處有高名畫中呂紀稱兩京回頭天
地須此評翩翩兩鳳凰忽爾飛丹青偶然見者
無不驚皆言摹擬真絕精嗚呼皆言摹擬絕
精吾於兩蔡心忽傾虞廷老鳳快一觀蕭韶天
地終九成岐山萬古更忽此文王一怒西周興
舜有二十八相武王曰予有亂臣十人其瑞世
其數寧皆可以為麒麟為鳳凰為慶雲為景星
方今

堯舜正在上樂和禮備刑更清嗟夫姚江蔡氏
兩夫子慎勿負所學孤

朝廷

題海陽謝氏族譜後

海陽謝氏族譜牒存萬古世系稱名門至今不絕
乃如綫祖武繩繩還子孫南雍上舍真文胄人
物元為謝家秀不知苗裔果出誰想只東山謝
安後欲將孝悌油然興遠尋族譜蘇氏亭表童
且此求大作誰為天下名公卿咀嚼鶯花老牙
痛天地一丸吾自弄人生萬事須勉為文字他
人空借重君不見仲尼譜系果亦真乾坤萬古
今一人

誠齋卷

聖賢一脉傳無窮誰家燈火西牕紅
帝編斷盡蠹魚走中庸豈在書板中
於穆此天吾一理周孔義文長不死
此齋一過一悚然白髮披披已垂耳
為堯為舜無古今天人分數誰復深
莫怪不知楊萬里草廬文字子思心

定山先生集卷一終

定山先生集卷之二

南京戶部主事雲南陳常道編輯
南京戶部主事四川周滿校正
應天府江浦縣知縣桂林劉縉
儒學署教諭陳應奎訓導龍壽同刊

五言絕句

江遊

秋來乘艇子出浦更悠然
鳥白江初闊天空月正圓

和杜韻三首

山晚溪喧減天秋月放多棹歌如未起其柰老
夫何

有詩俱月底無酒不松根問我今何處堯天擊

壤村

老翠山皆洞深紅樹頗花人誇仙世界我笑是
貧家

細雨 四首

細雨攤書卷風花坐晚軒開籠拜鸚鵡鸚鵡會
人言

短帽花能舞長歌袖亦軒閱墻詩最好不是聖

人言

嘿嘿閒思坐蕭然閑此軒田家荆樹好好亦不
須言

俯仰無窮樂春風一草軒此心還大舜不見有
流言

題畫 二首

道人一片心雲水活潑潑何處問天機天機此
秋閣

坐亦豈非行行亦豈非坐問我我不言笑舞溪
雲破

定山集卷二
題蘭二首

幽蘭在南坡愛之亦何趣為愛幽蘭香須識香
來處

此蘭我何愛對之終日坐萬物我一蘭天地乃
一我

活水亭雜詩三首

出門山水遊小孫每相喜殷勤捧鳩藤請與老
翁拄

讀書眼已花半板未能過只向小藤床閉眼終
日坐

布褐聊自溫豆粥長一飽只此深山居逍遙
終老

題孫痴春草

未了物何我了了我一物道人活潑心一片西
牕綠

題沈石田畫鵝為文元作二首

天機我不言言之欲誰領柳塘春水深弄此白
鵝影

老鵝秋菊中我欲畫幾畫萬古天地間且讓庖
羲獨

寄婁一齋 四首

烟烟平生心白日青天在深山南斗高無夜不
再拜

江門風月詩蓮塘水花趣安得二先生傾倒鴉
湖寺

朱學本不煩陸學亦非簡先生一笑中皓月千
峯晚

斯文久寂寥所望未云絕一夜老顛頭添却千
莖白

江湖勝覽

江湖萬里船天地雙老腳笑我不出門一個天
峯閣

題畫 四首

一雪正如此乾坤何處看都將無極妙千古一
凭闌

千古關全畫江山意不窮老將無畫意今且問
關全

天地一驢子溪山坐晚烟古誰先有意畫我過
前川

太極吾焉妙圈來亦偶誇此翁江閣路騎雪又

梅花

靜觀亭為南川先生題 三首

睡起湖亭坐乾坤意自深青天無一滓明月在波心

萬物無無裏斯亭亦偶然道人閒不過聊爾弄湖天

微月此波寂遠峯何處青我來閒與坐不記是誰亭

題夢白蓮池詩

賦詩白蓮池夢中聊爾爾寄謝無極翁此吾夢

中語

施孝子

天下本無孝人間曾閱多誰將施孝子一咏老夫歌

改施公正執菴為程菴 二首

天地無窮檐頭昏老病深我無衣與鉢聊寄百年心

明道雖人人君須愛明道莫笑莊定山徒能改君號

翎毛

何處乾坤妙天機各灑然相看今滿眼老子更何言

題畫

遠山青兩峯老樹秋幾葉我懷不可羈空江下明月

題蕭尹翎毛 四首

幽鳥啼自哀秋風竹枝怨哀怨情豈勝月明寒

影亂

佳木求幽鳥幽鳥求佳木佳木與幽鳥感嘆白頭禿

一見雪滿顱能不懷平生誰將單父臺畫此

西銘

感茲原上情相傾或相顧老我空此心愛亦莫能助

送博羅何孝子 四首

贈別踈籬下冬來菊又殘只惟三兩朶留着自家看

白酒江門暖北來風已寒酒方君不錄明日寄書難

萬事都難問相逢坐夜闌寒燈青的的莫照酒

孟乾

人間何孝子此日更求官何以江門老無詩送子完

友泉

一體乾坤妙諸君且未知已將無限意分付友

山詩

友山李茶園也余嘗為之一詩矣友泉非友山意乎諸君且將為我打作一片

玉溪為謝汝申作

何哉川上心欲語還自默安得玉溪翁問我溪中月

梅花

梅花一太極老我一梅花點筆無言坐寒溪川滿槎

騎驢浮海圖和韻

堂堂白日中鬼惟何用見誰乎江海遊不趁風帆便

海棠雙喜

不有平生戚安能極稱時無邊此花鳥方是野人詩

松風

何處清風裏長松古縣門海風吹不斷明月滿

乾坤

題畫

百年圖鳳心空江坐頭白只有古青天還我礪
溪月

題小畫 四首

何處戲場中聞來舞獨速放下鬼臉兒俱是真
面目

數聲老瓦盆一曲古村遂熙熙歌舞中不知皆
帝力

輸贏每自如萬事亦何有君且莫揚拳輸還的

吾酒

蛇麻失其性道眼真不花我當幻中見天地皆
蛇麻

謝氏八景

芙蓉卓筆

萬古寫不停玄天無一墨我欲徃從之蒼蒼本
無色

華蓋仙踪

亭亭一華蓋仙踪長萬古萬古一六經六經一
尼父

南山拱秀

南山天地中千古一板萃此秀真泰山當出尼
軻輩

北沼涵清

一泓北沼深涵泳在天地何自真不汚孕茲龍
馬處

象嶺朝陽

何處觀朝陽日日天東極吾人孤鳳鳴長向朝
陽立

瀧岡夜月

吾心萬古天明月一池水以心觀吾心吾心是
如此

蒼松競秀

謝家芝蘭庭更着幾松盖堂堂老翠圓撐住青
天在

丹桂秋香

秋香五株桂謝氏還幾株要識乾坤中魯國今
一儒

題菊

莽莽乾坤雨秋香豈未知秋風將短髮千古一

東籬

題畫 三首

浮雲籠晚照野樹亦輕陰莫道無人跡春山也
自深

昔日千年調而今兩禿翁都將無限意高坐釣

船中

靜坐方虛極開門江月深梅花今夜好天地亦

吾心

挽查姓民 三首

公恩在燕北更活江西命問余何以知冷菴印

公印

公在春在公公死春何處門前病鬼冤哭倒紅

杏樹

人生既已死生理那可得千古一孤墳空山落

寒月

浣靄卷為當塗李都憲作 三首

朝浣浣此靄莫浣浣此靄湯銘此誰後得見當

塗英

浣天天光明浣地地歷陸大哉吾一心浣浣聖

賢出

定山集卷二

十一

萬古天地中此脉未應絕拜讀浣霽詩一夜頭
盡白

山ノ下

十一

七言絕句

九鷺圖

白雪點拳元自好老夫門外一江清
滄洲倚杖忽相近晚日青天吾眼明

食豇

一畦微雨淨無塵紫豆銀茄更可人
觀物亭中聊一飽先生真個是清貧

石翁見寄次韻二首

逍遙遊侶來尋萬仞烟霞一片心
難向眼前人說得眼前人只解鄉音

山盟投老會初尋無復人間不可心
鐵笛試吹峰頂月山靈依舊是知音

新歲寄

面舍東隣笑
丹青興不動而今十五年
梅花當戶酒當筵
笑孤影不連不見及時
行樂伴獨將新句謝新年

題縣主山水畫

家具生涯且釣舟
黃公臺影漾浮漚
波心閒有鴟夷笑
不把牙籌礙釣鈎
木旆山幢到眼真
丹青筆手壓紅塵
休衙午
千峰面江北江南一樣春

題松筠詩卷

成化辛丑作

滿城二月花驚眼
風雨尋常便打殘
雪冷江空何日是
令人直憶二公難

讀謝疊山與劉忠齋書

儘把夷齊許後身
薦賢當日果何人
山中宋史人希見
元是忠齋也宋臣

寄新昌王樂用侍御二首

白頭放酒太平春
君舞蓑衣我釣綸
可是山人能共爾
山人元是老山人
落花聞道滿蒼苔
可是東風又許開
洞裏白雲雖冷淡
不教容易出山來

題江湖逸興卷

江波閑弄打魚船酒醒狂歌酒醉眠分付蓑衣
休舞破他時留着補青天

平齋爲南昌劉司訓作

稱量萬事與均停君在南昌主六經莫笑老生
隨起倒我家秤却是無星

寄詹大尹

一縣春風萬縣同經綸試手歷城公白頭到我
思君處笑倚長鏡背壠中

讀楊時秀詩集

江湖此卷三千首今古何年二百春明日會尋
留鶴老北山燈火拜劉因

姚御史畫竹石爲周景明作

洋州食畫惟兩竿米老見之湏一拜景明對此
真何如草閣秋江明月在

枯木竹石

萬里乾坤冰雪中百年心事幾人同二公只恐
徐劉是死懸崖山老禿翁

釣魚圖 三首

誰拈秃筆寫漁船我作漁翁又十年畫裏欲尋

誰是我白頭高帽頂青天

何處煙波滿釣翁樵花流水各溪紅而今合是

唐虞世都在堯天蕩蕩中

溪上春雲與浪飛溪頭春水紫魚肥閒人只是
閒無事日出船來月出歸

謝陳漢崇少叅曆日

甲子書來問釣舟江邊草木領春秋野人不作
經綸夢笑撚花枝坐白頭

石衢二首

裁成白首全無用默坐高齋幾石衢肯笑老人

江之闊甚買田為井亦橫渠

十里微人藉此翁車徒真免哭途窮病夫只在
閒中計萬古乾坤大道中

題吳山春景畫

風光曾記擁肩輿花柳無窮一笑餘為說驢
公案在乾坤真個有橫渠

淵明二首

聖賢自古在知幾腩肉那知女樂非問我當年
陶靖節柴桑可是折腰歸

五柳清風一布袍百年風味也吾曹古人豈必

今人是且放先生酒處高

贈容一之別和白沙先生

江簑許共白鷗羣萬里秋帆又水雲不是苦留
君不住老夫無地可留君

君忍為白沙門人倪聖祥作

世事百年誰適意須君空洞一毫無白沙門地
皆滄海莫下長江問老夫

送林秋官謫滇南和韻

一點浮雲眼已過滇南明日未蹉跎丈夫
前頭路敢向先生拜說多

題淵明歸庄圖二首

眼中晉鼎睨誰頻五柳歸來別有春若把君臣
徒造次轍環天下是何人

萬古人心萬古看中原如此可能安先生醉倒
東籬意得恐驅馳老病難

送查夫陳侍御二首

芙蓉秋水與詩清御史平生極有情若道此花
真個好老六還折贈先生

白頭驄馬與垂綸一曲梅花太古春高坐廬山
三萬丈誰知彈與不彈人

寄淮安鄭同府

江雨黃紬夢覺時行藏肯與別人知秋來若見
江門月讀爛前年送別詩

贈溧陽費醫

帝伯皇王事不疑癆醫又是小兒醫而今肯作
華胥夢須遣江南扁鵲知

奉親堂為古溪賦

孝子人間果是非肯堂春酒白魚肥程家二子
平生計只有吟風弄月歸

三江漁樵卷

水月山雲可認其三江人醉古岡春一鰥我不
平生眼看盡人間幾樣人

題畫竹林七賢

放酒溪山此數翁長拚潦倒醉春風先生亦有
踈狂意只在隨花傍柳中

題林良畫史滄海亭

送老西家畫益奇江門花鳥是誰詩此亭得恐
真風月畫外無人別有知

題菜

物物乾坤一雨新小園今日意全真許誰說與

窓前草不是人間別有春

承憇庵先生題定山溪雲亭和韻

笑只溪雲是我山百年那愛此亭閒
匆匆但恐霖難作飛去人間不易還

奉答司馬提學五首

行藏牛背把書行老子能無後學情
木鐸肯教天不管羊裘也可累先生
畫本煙霞迹已殊且將行止問何如
後生誤恐尋真樣也墮深山鹿豕居

萬古經書萬古明聖賢言語聖賢情
乾坤倘與

人描畫日月山川想更精

風花舞弄江亭月水石煙花共酒緣
老我醉中都忘却是誰吾道是誰禪

正道妖風不兩能是非千古自分明
與公且把無窮意分付江流月滿庭

憶秉常

天北天南夢且君一杯何此隔江雲
五更哦得相思句只有梅花月最聞

陵陽山人

天地斯人術此精白頭何限古今情
尼丘肯與

陵陽別萬古斯文只子平

贈黃池素義官

西江一斗依違裏短褐高軒激否中我度與公
同一大許酣天地作春風

梅花 二首

天風何步此西湖偶把梅花醉一塗笑我十年
書卷廢也拈秃筆註河圖

此幾造化如真語混沌誰能更鑿之周子不知
天亦妙乃圈太極與人知

送董孟吉 三首

以烏蒙通判移守渾源過
定山出陸克深詩卷求和

州聞已片帆東五馬何來草屋中萬里故人
還一見老夫當拜打頭風

今昔總無悲與喜浮雲萬事諒能諳肯將萬里
烏蒙意來醉青山活水南

日午來過到口昏短簑釣石坐能温不慚活水
貧家淡也勸山瓢帶月吞

讀文山別集 三首

感慨文山別集章白頭老淚幾淋浪若言君父
無情者除是當年趙子昂

殷士周家亦可推大元此老殺何為我知世祖

終夷虜天授非人識者誰
神在知幾道亦行存亡進退古今情堂堂如此
文山輩要亦人間萬古英

題靜學卷 四首

天機滿眼欲誰看到處逢人一語難此學平生
真問我無絃琴自不須彈
妙極吾心果到時傍花隨柳也無詩五經若謂
直糟粕只恐人間未盡知
太極乾坤自古今許將圖說到誰深白頭萬古
翻公案惟有元公得我心

古今吾道本難精每與空虛佛老爭肯識一
千里意人間真拜李延平

挽吳呂山 二首

古今生滅誰與言十二萬年天一元道人欲作
呂山哭一溪明月湖東軒
春風流蕩呂山歌野月肩輿到已多轉首煙花
雖易別老天留與太湖波

送小兒會鄉試 四首

窻紙還塗丙子鴉人間裘冶未須誇明朝領取
君恩處莫畫青山舊樣花

堯天一屋儘容安萬丈須還寸補看分付諸頑
湏汝是萊羹休顧老夫難

人間萬事可終閒更際明良拜舞間我病既深
扶不起吾兒何敢亦青山

桂花一樹幾人分喫著三場應舉文富貴汝知
何物是浮雲之外且浮雲

華亭金藻休寧汪循上海張澡諸友枉顧
定山且索一言於其別詩以道意 四首

庭草真傳到晦翁無端萬紫與千紅可知肝膽
朱門學不在經書傳註中

風月無邊問答時青山活水滿吾詩若除流
天幾外老子平生自不知

斯道乾坤自古今濂溪主靜獨吾心孔顏樂處
真何事願與諸賢更一尋

舉業經書也聖功人間道眼費圓融夜來睡醒
羅浮夢月滿秋江數十峯

司訓廖先生家觀菊八首

睡起踈籬點物華四三童冠幾黃花浴沂此日
秋光裏不屬曾家屬廖家

年年老菊費栽難每到秋來借倚闌老我白雲

紅樹子如今都作此花看
短籬黃菊滿秋暉把酒相看醉不違却道我家
元自有帽簷不與一枝歸
秋光莽莽到東籬要識陶家以外詩倘把傲霜
徒目看此花天妙沒人知
花到金相玉質精真純和粹更幽清憑誰笑與
梅花說且合推尊作大成
聖池長共此花評一句清深萬古靈天味倘知
真個好欲和朝露晞先生
太極人間新編書龍馬各精神泮池

三夫子認得黃花綠葉真
天意秋香未肯涯遶籬黃白儘容誇物中若道
無凡聖豈有人間不落花

雪鴈

江山萬里雪如此老鴈北風何處灘欲識陰陽
千古夢乾坤聊在睡中看

雪兔

人間物物天何礙老兔泉聲亦妙知笑我天幾
無點處白頭拈筆是鳶魚

半山亭二首

一墩千古且閒爭
拘鬼何知更此平
蕉鹿也知真
夢夢此亭吾恐亦虛名
老眼蒼茫醉欲還
數椽聊復半山間
誰家亭子青天上
只屬虛空不屬山

思親樓

乾坤了盡了何如
怪偉公然一大書
明日肯君叅欲破
老拳搥碎此樓居

友山

一語乾坤更幾關
白頭師友恐須閒
友山若問真何說
萬古中間我一山

題江村卷

溪山驢背不藏春
花柳東風眼自真
道得程家新句子
老夫今日拜何人

送王判簿歸蜀時蕭尹在邑 三首

世務閒聞到寂寥
鷓鴣潦草得鷓鴣
誰真笑我長鑿柄
斲斷山根徇菊苗

僻塢樵花已失公
買刀何許更相逢
餓夫半勺秋來夢
酒遠巫山十二峯

片語豐干偶竟逢
一年風雨幾柴扉
可知老子黃山月也
送巴江萬里歸

上西華山先隴

八首

北髻殷憂遼海涯
松吳來裏幾江花
那知此道千年拜
我祖青天是起家

漢老乾坤日月光
一亭千古幾綱常
也誰知此鷗波地
更與頽風大主張

萬古平章與後先
餒餘唐漢總垂涎
可知花柳乾坤裏
我祖風流六十年

針芥勞勞漫古今
幾徒魚水草廬心
千年獨有精英槩
不與青山壳子深

杯土長埋蓋世姿
西華撼動小孫詩
終身請

無人識聊與青山綠水知

孫翁衣鉢祗中庸
馬僕牛醫奠酒同
我輩不誰是
伋松梢擘紙挂西風

遺編甫律也翔文
世難寥寥只此墳
不識我來誰與看
江風天擺萬秋雲

江簑水月老還披
許大乾坤一片碑
千古無船橫釣瀨
墓門能拜子陵誰

寄沈慎之二首

鴈蕩天台且未堪
春潮能許挂江帆
空山十丈丹厓裏
一個癡人一草菴

老拙元無半寸長逢君不語只空狂白頭靜裏
焚香坐長記移舟過溧陽

子陵釣魚圖

行止丘軻總未裁江波祇個釣魚臺誰知也有
漁舟畫不照巖光影子來

輓香巖和尚為僧寂菴作 三首

來來去去非真幻此理人間本妙哉公是寂菴
吾敢問師今何去昔何來

鍾聲誰打定中魂那有三才別立根我正問公
公已死豈勝哀淚灑乾坤

死却香巖未可談個中何者不香巖靜無動
吾何說試著西菴老寂叅

贈星命者和東白先生

人間幾許卧誰龍談命談星半醉中且莫相逢
開口易老夫富貴是苓通

梅花 九首

元自貞來妙亦深梅花何處見天心憑誰說與
堯夫老莫向乾坤子半尋

草閣半牀踈影月梅花今夜妙何如老夫自起
焚香坐周易誰知不在書

一花太極一丸春何夢林逋看未真自有暗香
疎影句相知千古是何人

一白已為天下絕千紅還許獨開先若將齒角
丘軻論野店山橋亦老天

圖繪相逢已大頻天誰傳說許前身白頭豈誤
和鹽夢只恐匆匆畫未真

菊花曾許是龜書豈有寒梅不共之周子通書
程子易孫翁須愛紫薇詩余嘗和愛暉地
官紫薇詩故云

羅浮真興許誰狂暗暗頻通萬古香昨夜酒醒
何處夢五更霜月滿溪堂

溪園每共山人月一軒全體

天妙林逋幾種情平生老菊尚淵明千年著放

蓮花耶莫遣南枝氣不平

題僧惠堂卷二首

此公元自一仁來根向二才肯別栽散得人間
真種子乾坤花滿萬靈臺

摩頂浮手欲痛不知曾惠自家無明朝且把
收歸我廣濟乾坤一丈夫

真惠憑筆問且真百年偶醉十窩春定知老禿

明朝頂模著陳綱太極巾

余嘗許陳綱為惠堂講太極圖說

落梅

不從真處不看元玉遂東風總浪言明日中間
仁一點始知開落是同原

梅花

儘遣東風問化工南枝何與北枝同誰知無限
春消息都在寒煙一抹中

竹梅

神翠真紅萬古妍化機相與蕩何天披圖多
尼丘夢空有乾坤雪滿顛

鷄冠花

古今物物疑似一體乾坤到幾人笑把天峯
秋色看萬紅何片不同真

紅梅

萬物相形本各真東風何意醉花神相看道眼
休輕亂白白紅紅總是春

萱草 二首

何聞警效不羨牆曾與忘憂樹北堂留得孤兒
千古泪不知憂在幾時忘

何處空堂夢欲殘白頭片夢偶相看可勝精衛

無窮眼滄海填乾泪也乾

代弟孔高答大中時遊香泉

天納吾家古樸城祇將頑鈍學痴兄知君不誤
真衣鉢付與溪山執履行

題徐端本畫

雲水草亭閑自蕩風花老子動相隨如今我問
徐端本一體乾坤却畫誰

題畫朱永隆吳大宜求

兩眼堪盲病老窮橫雲當面唾青公大風可
吹散南卷我山茆屋幾重

寄司馬先生 四首

溪雲曾每拜公來共我漁簑濫釣臺萬里不知
皇極手誰家今又點蓬萊

書來無語不言還出處誰能付等閒公有鳶飛
魚躍意武夷山亦會稽山

糟粕將無此學看三年一語聽終難白頭肯許
相忘地更與濂溪拜肺肝

別無書寄去無詩形跡俱忘老病時昨夜朱絃
彈絕意只惟溪月洞雲知

題畫 二首

一獵何心更許馳此中天妙只天知誰知滿眼
溪雲趣不在庖羲畫卦時

若此煙雲若此山豈無版築個人閒不知畫者
今何意只畫天松屋數間

完節堂

玉鏡空臺一片秋古風高月也全收兔園何自
鬚眉地籬落遮闌補未周

釣臺圖

領得堯夫七尺綸白頭終蕩五湖春千疊寧也
魚難得斷不移舟下孟津

紅梅

春雨東風色未寒杏花曾笑北人看若除牝牡
驪黃論只恐南人認亦難

題畫

溪雲十畝一瓜園誰識山中此破軒伊呂巢由
還認錯老懷天地共誰言

辛亥大寒梁塘道中有作二首

春暝秋涼自不難梅花何愛雪邊看自知不及
堯夫老今日梁塘是大寒

凍雲江路本知難山是山人分所看自裹木綿

粗破衲老夫何怕北風寒

樂道齋詩定山居士爲彭世英書世英十
過定山所得止此昔東坡鬻馬方叔不免
更鬻然於此紙世英豈待一過宿哉世英
之戚必有此紙者尚亦知世英之不易得
也

此妙人間各自真天機流動靜中春誰知庭草
纔拈後猶有高談隔壁人

題沈天趣梅花禽鳥卷

花鳥間尋雪半枝瘦節拈到酒醒時莫言無極

乾坤妙只許濂溪一老知

琴鶴雙清卷

一笑乾坤道眼餘儘將琴鶴認鳶魚老夫雲水
昆山坐莫道舟中妙不知

松竹梅月爲孤鶴翁作

雲影天光拈仲晦溪聲山色舞東坡八千四萬
今如此我問先生意若何

素菴爲蕭貴贊作

平生本質今如此老去未能汗一毫俯仰仲尼
磨不磷百年天地鬢蕭騷

劉振之挽卷徐子仁題曰惜才
百年塗抹皆成學吳郡徐霖正惜才安得不虛
生死話夢中呼起振之來

題畫和韻

滾滾雲山盪此身不知何物更踈親
年來我問天峯閣笑恐回頭錯應人

僧一菴

雲在青山水在瓶古僧何處說今僧
一菴若問真何一昨夜菴中火是燈

蘭石

流水香風亂石中隨花傍柳與人同
不知皇極成否莫問天津擊壤翁

和張子如尋樹詩

梅花一笑有無間消息徒將問定山
是水是雲皆是樹老夫驢背送君還

梅花二首

江亭自笑讀何書此意乾坤忽有餘
四十四年痴老病梅花纔見是鳶魚
天機誰與漏春痕獨寫梅花到石根
老子欲收元氣坐直從開闔看乾坤

題竹爲五叔父作

多少金相玉質温百年高節老乾坤憑誰欲把
栽培問個個清風是子孫

畫馬二首

首宿空山戀肯肥性龍骨馬本相違古今分定
庖羲眼伯樂雖看認恐非

野草寒風捲雪乾病軀斜閣瘦闌干相逢芻豆
人間者誰把行天步驟看

寄吳撫州三首

深山忝竊舊相知既別還勝未別時老夢秋來

如不到靜中閒看浴雲池

萬古人心萬古真續騷亭上續騷人閑來莫笑

山中坐不是前年活水春

縣樾臺栢已無休五馬金溪亦細侯知我尚多

狂妄意有人大刻在黃州

王黃州行贈以文有
臯夔稷契之望而謂
龔黃卓魯不足多也黃州不以爲鄙而大刻于
石以自勵余於昌期又非黃州之比其於詩也
安得無所
援例焉

和盛文元二首

花鳥人間本自妍相爭出手肯徒然機心已與
狂夫盡不對棋枰二十年

人間萬事有淵源六籍誰聞是出言畫本不教
花樣亂後來人說盛文元

寄祭酒林先生二首

狂謬無端似病風少年此處幾人同如今萬事
消磨盡甘做乾坤一病翁
問簡山林敢自迂豈知霄漢與樵漁果看忘世
真忘否又寫三山祭酒書

今年雨中盛文元又至

細雨踈籬晚菊邊茅齋又坐盛文元作詩寫字
閒無用相與山中一醉眠

弘治三年秋七月喜雨有作四首

一拜甘霖一滴春山中念念幾斯民往年記得
填溝浹猶有僧堂粥外人

滿放天瓢浩蕩春一年飯碗儘吾民如今萬事
無高眼國慮天心到幾人

簔笠焚香祝

帝春任人嘲咲是何民深山若有為霖者肯作
田頭拜雨人

早到雙泉也半春四方還有拮擗民而今有飯
家家飽才滿峯頭活水人

畫菜為揚黃門作二道

人間何處覓虛空曾點源頭路未窮若把邵家樓閣看士夫風味只濟翁

百可亭中雖自淺千紅堆裏本非深南園若與前川別不是乾坤萬物心

客有妄解余笑恐回頭錯應人之句者用韻二首

一髮云何是一身不知吾父是誰親寒山莫把鐘敲破或有姑蘇不睡人

此人元本是天身何物人間看不親却笑南泉

無大手不知還有熱漫人

一山為張子如作

乾坤萬物見非私萬古誰言不子思我却如山是我于今要與一山知

斗山雜詩

漁簑爛舞釣船中誰遣先生此夢同偶到南湖看月色元來天地亦高風

禪者王福省號覺庵余不知禪何以應福省聊據已見塞白然乎否哉太虛老僧千

眼觀音當一照我二首

奔將覺悟了心傳坐透鳶魚自在天我亦鳶魚
中坐看此身元是碧圓圓
一坐蒲團幾百功渾淪打破作圓通腐儒只欲
泥君竅萬古仍收混沌中

挽

剛道生姜樹上生百年奄忽可須驚若知戊亥
天還老萬里秋空月自明

嚴陵釣臺

東漢雲臺迹已休萬年風節在羊裘西來定是
桐江水不與漳河一處流

仙傳

袖手功名二十收乾坤何處不公侯釣臺昨夜
因君舞舞破蓑衣未肯休

跋山谷墨迹

老涪一笑古風天宋雅堂堂二百年點盡白頭
山閣雨為誰聊泊太湖船余與豫軒素庵二友
過吳興既還吳呂山
請觀山谷老人墨迹求數語歸至宇門春意堂
用卷戲贈米元章韻作一詩以復成化壬寅夏
孟二十
四也

植松為葉掌教作

欲效人間長養功霜根數寸了春風何時肯作

定山集卷三
三
羲皇夢送與浮雲十八公

一松

英風偉格動高寒一蓋堂堂萬古看
養得花苓天味別我來丸作正心丹

挽人

世間白髮不容見善惡老天難與言
未必張生真天絕請從周易論貞元

南安張太守評白沙詩集有請予折中之言

風花醉點個中春誰與痴人說夢頻問我折中

張太守而今我亦是痴人

瑞鵲爲周六合作

白髮青天一笑中龜書龍馬古今同
馮誰說與周夫子我亦人間賣兔翁

題竹

千溪鸞鳳舞蒼空虛直分明是此中
玉振許誰知萬古白頭天下領清風

友蘭爲林處士作

天伴直香空谷裏老人剛好結深期
回看桃李諸兒女莫怪平生夢不知

題畫

午鵲隨春得化工碧桃花綴牡丹紅乾坤又把
庖羲眼分付先生半醉中

緝熙子為潘二教作

在我文王肯未如天光元本透真虛老生更與
提公案靜坐何須更讀書

方山道中

萬物此中元活脫眼前何處不流行去年記得
方山路甘雨和風說大程

題陳瑞山水畫

萬里江山陳瑞畫白頭開眼定山村誰人得與
青天闊猶有孤帆島樹痕

作小車成何子完諸友有詩和之二首

康節車兒且共閒萬花扶得幾翁還定山也有
飛雲頂不是羅浮別有山

人間何處問忙閒黑髮天涯白髮還認得玉臺
巾樣好先生須愛玉臺山

種瓜

巧拙天心自不差人間分付各生涯白頭如此
深山裏我不種瓜誰種瓜

題畫

如此風雲際會辰丈夫誰肯負經綸我知茆屋
深山者多是人間老病人

題竹名曰石泉清節張司寇求

老鳳虞周萬古同霜稍能事儘蒼空誰知水石
空山意也到金聲玉振中

遊定山寺和司馬提學

古邑天留衆壑幽小溪隨步領真秋源頭水石
相忘處也戀天光不肯流

泉上請司馬賦詩

如斯山水客如斯滿眼鳶魚活動時欲了相逢
千古意先生只索要吟詩

華亭張博父子持司馬書來且有求教之

說於其別也詩以送之 二首

乾坤一割到何深兩夜梅花許卧林老我白頭
肝肺在此心之外更無心

古今父子蔡西山君在西山父子間千古路頭
休認錯海涯風月看君還

古愚卷為白沙乃兄作

簞瓢許與靜中春萬古天留此味真若道老兄

甘起倒石齋夫子是何人

可亭

誰將無可仲尼心來向人間可處尋我亦欲憑
無可可古今天地共吾襟

梅花仙子和韻

梅花幾點天心妙太極濂溪認果真莫只花神
惟只汝先生今也是花神

月宮仙子和韻

山河影子無還有玉兔嫦娥幻與真我欲虛空
都打碎老夫拄杖捷如神

遊平湖南寺

綠陰撐入傍湖州水作清深樹作幽是畫不知
還是寺晚峯斜日更登樓

寄壽州廖同府

家雞到處不須爭醉點風花亦有情我見白雲
張汝弼今年又在壽春城

答定山僧

山僧問我梅花妙何事無詩只笑着萬物本知
梅一我老夫今日對誰談

梅花 四首

古今世態本無窮只在千紅萬紫中他日肯將
調鼎意白頭分付各春風
看到梅花眼莫狂梅花狂豈易商量而今莫把
林逋笑猶有林逋識暗香
梅花明月寫天幾寫到無詩乃是詩若說無詩
還錯否邵堯夫也不能知
笑把梅花醉一歌九方臯柰簡齋何溪雲老子
糊塗甚儘說庖羲一畫多

折桂圖

蟾宮何說到荒唐和月連根句偶狂識得吾心
直桂否不勞扳折自天香

蘭

猗蘭楚楚各溪春亂葉香風本自直莫道伏羲
難再見出門何處不同人

九老圖

或弄瑤琴或酒壺一入林下已難呼相逢莫問
知幾否九老深山世亦無

挽傅昆乃翁

求詩長儘過江頻每向迂夫托老親安得顯揚
成孝子定山終且是他人

桂軒

幾曲西闌月滿軒桂花香本壓秋園此香若問
來何處分付詩人莫浪言

跋李賓之詩卷

此卷題來墨未乾詩才如此古今難山翁肉眼
何勞見請與人間道眼看

病中

湛然長謂此心天病裏何來念百千不學老衰
還自譴謹當鞭策領伊川

和答許巡按枉顧定山韻六首

老病心隨去節高百年雙鬢未應凋閒來莫
山中眼不見銀河萬里橋

多少風花濫此亭白雲流水正泠泠大觀肯把
蓬萊意打作西山一片青

千古真逢一豸冠青山何恠萬人看可知襟抱
明良地元有乾坤一個寬

妙句何來一小亭古絃清廟自泠泠老生欲和
無天趣只有西山數點青

何處朝冠與病冠青山一笑荷同看也知不與
行藏別畫得丘軻樣子寬

秋家元氣領誰高
霜裏春無半
葉凋笑把鷹鷂
鸞鳳想拜公
千拜拜溪橋

與柳嘉興 三首

山水湖州看未休
嘉興曾亦減
湖州有懷詩在
天峯閣都只嘉湖兩郡侯
魚在深淵鳥在太平湖
幾日對南川
嘉興老守
真知我說與離懷二十年
一盞春風北海樽
山麋遊走愧難論
若將閑評我魏野
當年不出門

贈奚舉人

歸去雲霞費幾藤
家山容有未曾登
一燈湏了相傳意
莫作人間應付僧

宜樂堂爲文鑑主事作

一家留眼是經綸
三代乾坤只此春
慚愧柁樓開卷子
西風閒送過淮人

送張地官且壽乃翁

皇極乾坤共此堂
人間何處看滄桑
白頭不誤人人是
千古堯夫一炷香

題周敬叔菊花孤鶴出韻 四首

酒杯無語問江州
曾許淵明共唾劉
倘更白頭

成晉史老夫當拜數枝秋

大方海水一江湖天地那分越與吳莫笑幾枝
開眼錯分明畫畫是河圖

酒琰東籬欲領春陶家霜月幾精神眼前若把
天機認只恐先生亦未真

陰靜圈分動與陽又將太極問周郎可知自是
公家物一本西風萬朵黃

送太學生冠帶還蜀 二首

聖世誰將老釣臺傍人行止莫相猜太平欲盡
詩歌妙須到山中靜處來

孔孟行藏只此心病來今日且山林先生若問
終身計作養

君恩正海深

敗荷鵲鷓爲文二作

萬古岐周治亦隆鳳凰千仞幾梧桐我知此日
文家意不在秋荷數鳥中

訪人不遇 三首

問水尋山偶自行瘦筇聊復盡吾情山禽不識
賢東意儘向花前管送迎

徘徊履齒久蒼苔漫把東君一笑猜老子但知

人是我看花明日又須來
小車兒自傍花行到處無人識姓名分付山童
休拜我先生不是邵先生

李黃門瓊林燕歸圖二首

宮袍隨馬舞春羅柳色花香滿

御河欲了賡歌明日分春風還柰此恩何
老眼羞還此放開東塗西抹也曾來如今扶漢
輸公在只有桐江一釣臺

過六峯問買田黃山二首

賣犢年年得幾錢移家何處問安眠白頭笑恐

黃山尹他日催租更賣田

雞肋尊拳豈足供一時何惟此元戎問田亦是
痴人夢天欲窮吾處處窮

歌風臺

漢家猛將已成多故里歸來柰樂何安得賢臣
思更切大風千古一賡歌

張秋夜泊憶李升都憲時出巡兗州

孤舟旅泊果堪情明月黃河水亂傾兩夜老人
渾不睡別懷長戀兗州城

張秋三首

神禹誰知自聖功人間大知本無窮分流儘却
漕夫伎萬古黃河水只東

經國能終瓠子甘轉漕萬里只東南屯田果得
京師許請爲

朝廷拜邵菴

本覺神龍欲可嗟人間水性豈容加往年記得
徐夫子用盡山東鐵萬家

楊青驛

楊柳青題舊驛亭人來楊柳半凋零可知自有
吾心柳萬古無窮一樣青

題菜

風月人間有正傳一花一葉意無邊數莖何自
狂夫地也夢濂溪太極圈

題竹

人間萬事本無窮都在金聲玉振中老我平生
空愛此鬢毛蕭颯滿秋風

碧溪卷爲張潤之作

滿鏡秋風鬢不知一囊天地一囊詩鬚眉莫把
東坡百了得人間一潤之

菊花

定山集卷二
霜枝幾葉醉陶家秋色南山也自佳千古無窮
開老眼豈徒太極是梅花

過張秋行臺憶東山 二首

欲同何處許同論著眼雲泥老自昏
留取行臺高萬丈他年一笑醉龍門

天地芻蕘自古今訑訑千里豈公心
可堪世路無窮態搔盡行藏白髮深

送程郎中弟致仕 二首

來誰具眼識行藏歸去青山策頗良
多少京師誇不盡

聖君賢相在虞唐

小程天地是誰傳明道先生想更賢
百尺竿頭仍一步莫將風月負伊川

題畫 八首

清時許下釣魚臺猿鶴深知苦
怨猜萬古行藏天與定青山不久便歸來

移家自約沈都臺陽羨青山更不猜
七十二峯真可卧夢中夜夜太湖來

何處青山不是山天幾活活水雲間
老夫高坐天峯閣花裏柴門自不關

千古迂狂此定山更將何物老人間破瓢只也
蒸鹽意打透功名富貴關
萬行煙柳萬桃花拍塞東風滿意霞若論我家
還似否眼中不是是誰家
西泛東遊興欲狂邵家春暖與秋涼四時老子
俱堪出綠樹乾坤夏日長
千山木落眼全真到處乾坤到處新安得清秋
長萬里古今不見一毫塵
老眼江山處處新雪中天地更精神人間豈識
堯夫意未有深冬未有春

題扇

秋風篋笥有炎涼此道誰知白日光俯仰乾坤
吾與爾千年用舍一行藏

見賢堂見賢思齊之意也

客中一飽外何知仍把諸公卷裏詩老我不勝
驚坐起耳根華髮正披披

授南京吏部郎中 二首

六十年來老倔強也容白日筵鴛行京宮體而
知生澁先遣庭趨拜侍郎
一官老許向南京遜封同人萬古情迂闊自知

無一用祇能開眼看昇平

題畫

平生老筆鍾欽禮細草奇花故故新
安得此心吾再拜靜中常見自家春

黎雲 四首

靜無動有只狂夫龍馬乾坤各負圖
滿眼黎雲今幾樹老禪剛道有還無人
間道眼許誰分禪伯中間我與君
秋在蒲庭黃菊子不知都可是黎雲

禪幾何處與人同泡影風燈一夢中
如此

如此樹不知何物可言空

一笑冠巾萬古同莫將形跡到衰翁
定知肯把黎雲誤不負相留一月中

萬柳庄

滿懷天地隱疎簾卷盡人間萬柳簷
安得風花無我處江山隨地醉陶潛

題邵國賢畫 二首

瓜熟西園兔已窺藤深葉暗子纍纍
乾坤豈少宜瓜日老子分明說與誰

陰耦元歸太極中一箇天地妙無窮
人人各有

庖羲眼莫向成都問老翁

寄羅洗馬二首

舊學相期祇自云一言羣議正紛紛白頭看盡
浮雲過明道先生果是君

青天萬事本無窮巢許夔龍柰不同一笑肯容
千古地他年端慶有溫公

答白沙

南海春風一古琴天涯回首幾知音野人未有
鍾期耳只有鍾期一寸心

題小仙畫付小兒乙全

道人何處領天幾都在吳仙手一揮千古乾坤
千古夢誰知魚躍與鳶飛

題畫

天地頽然此秃翁逢人何處托焦桐瘦筇短日
柴荆外萬一山人不耳聾

東風笑弄野棠春生意乾坤我亦人布韞青鞋
春步遠小將詩句答芳辰

白雲山
題畫

